



- UPRAVNI ODBOR -
Broj: 15-01-11/11
Zenica, 17.03.2011. godine

Na osnovu članova 6. i 13. Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona", broj: 4/97, 15/97, 6/01 i 8/10), člana 14. stav 1. alineja 10 Statuta Agencije za privatizaciju Zeničko-dobojskog kantona ("Službene novine Zeničko-dobojskog kantona", broj: 9/99), člana 9. Zakona o privatizaciji preduzeća ("Službene novine Federacije BiH", broj: 27/97-4/09), Zakona o početnom bilansu stanja preduzeća i banaka („Službene novine Federacije BiH“, broj: 12/98-65/09), poglavlja IV Uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 40/10- prečišćeni tekst) i Odluke o neposrednoj pripremi i provedbi male privatizacije („Službene novine Federacije BiH“, broj: 77/10), Upravni odbor Agencije za privatizaciju Zeničko-dobojskog kantona, na svojoj drugoj redovnoj sjednici, održanoj dana 17.03.2011. godine, donio je:

RJEŠENJE
o odobravanju Početnog bilansa stanja, Prospekta tendera,
metoda i kriterija prodaje preduzeća

Član 1.

Odobrava se Početni bilans stanja preduzeća JP "Veterinarska stanica" Tešanj d.o.o. Tešanj, sa sjedištem u Ulici Dobropolje b.b., ID 4218277110008, sačinjen na dan 30.06.2010. godine. Utvrđuje se da ukupna vrijednost kapitala JP "Veterinarska stanica" Tešanj d.o.o iznosi 353.916,00 KM, (100% državni kapital).

Član 2.

Cjelokupni iznos državnog kapitala od 353.916,00 KM (100%) privatizovat će se metodom javnog prikupljanja (tender) u maloj privatizaciji.

Uslovi prodaje: Zadržavanje veterinarske djelatnosti na sadašnjoj lokaciji Društva i svih zaposlenika zatečenih u radnom odnosu u Društvu (11 radnika) najmanje 10 godina od dana potpisivanja ugovora o kupoprodaji.

Kriteriji za vrijednovanje ponuda su:

- | | |
|--|----------------------|
| 1. Zadržavanje postojećeg broja zaposlenih i prijem dva (2) nova radnika veterinarske struke (u slučaju raskida ugovora u skladu sa zakonskim propisima obaveza upošljavanja novog zaposlenika iste kvalifikacije) | 350 bodova ili 35% |
| 2. Cijena (ponude ispod početne cijene neće se razmatrati) | 350 bodova ili 35% |
| 3. Investicije (ulaganja u razvoj veterinarske djelatnosti naredne tri godine u visini 100.000,00KM, ponuđene investicije ispod ovog iznosa neće se uzimati u razmatranje) | 150 bodova ili 15% |
| 4. Poslovni plan razvoja veterinarske djelatnosti Društva | 150 bodova ili 15% |
| | 1000 bodova ili 100% |

Član 3.

Sredstvo plaćanja kod privatizacije državnog kapitala je gotov novac.

OBRAZLOŽENJE

Na temelju zakonskih propisa u postupku privatizacije, JP „Veterinarska stanica“ Tešanj d.o.o. dostavilo je Prospekt tendera, Program privatizacije i Početni bilans stanja preduzeća utvrđen na dan 30.06.2010. godine.

Nadzorni odbor i Skupština JP „Veterinarska stanica“ Tešanj d.o.o donijeli su Odluke o usvajanju Početnog bilansa stanja i Programa privatizacije kojima se daje saglasnost za prodaju cjelokupnog državnog kapitala metodom javnog prikupljanja ponuda (tender) postupkom male privatizacije, čime je obuhvaćena korekcija vrijednosti osnovnog kapitala na osnovu procjene građevinskih objekata od strane sudskog vještaka, što je rezultiralo smanjenjem kapitala preduzeća u iznosu od 21.809,00 KM,

Uvidom u Početni bilans preduzeća, te prateću dokumentaciju JP „Veterinarska stanica“ Tešanj d.o.o, utvrđeno je:

- a) preduzeće je dostavilo kompletnu dokumentaciju vezanu za Početni bilans stanja,
- b) Početni bilans stanja pripremljen je u skladu sa dokumentacijom, i
- c) kriteriji logičke kontrole Početnog bilansa stanja u potpunosti su zadovoljeni.

Obzirom da je JP „Veterinarska stanica“ Tešanj d.o.o. pripremio Početni bilans stanja u skladu sa Zakonom o privatizaciji preduzeća („Službene novine Federacije BiH“, broj 27/97-4/09), Zakonom o početnom bilansu stanja preduzeća i banaka („Službene novine Federacije BiH“, broj:12/98-65/09) i Uredbom o metodologiji za pripremu programa i izradu početnog bilansa stanja preduzeća za privatizaciju („Službene novine Federacije BiH“, broj 40/10-prečišćeni tekst), Upravni odbor Agencije za privatizaciju Zeničko-dobojskog kantona donio je Rješenje kao u dispozitivu.

PRAVNA POUKA: Protiv ovog Rješenja dopuštena je žalba. Žalba se podnosi Ministarstvu za poljoprivredu, šumarstvo i vodoprivredu Zeničko-dobojskog kantona u Zenici, ul. Kučukovići br. 2, u roku od 15 dana od dana prijema istoga, putem ovog organa. Na žalbu se plaća taksa u iznosu od 10 KM prema Tarifi b. 9. Zakona o administrativnim taksama-Prečišćeni tekst ("Službene novine Zeničko-dobojskog kantona", broj: 13/02).

- CO: 2 x JP „Veterinarska stanica“ Tešanj d.o.o
1 x Ministarstvo za poljoprivredu,
šumarstvo i vodoprivredu Zeničko-dobojskog kantona
1 x Općina Tešanj, Općinski Načelnik
1 x Sektor za privatizaciju
2 x a/a Upravnog odbora
1 x a/a

**PREDSJEDNIK
UPRAVNOG ODBORA**

Vahid Zaimović

